



OROMO  
OROMOO  
أورومو

صفة الحج والعمرة

# HEERA HAJJII FII UMRAH

Qophessaan

Shekh Jamaal Shekh Muhammad  
(Abbaa Faaximah)



OROMO

OROMOO

أورومو

# صفة الحج والعمرة

إعداد

أبو فاطمة - جمال محمد أحمد



أُعد هذا الكتاب وصمّم من قبل مركز أصول، وجميع الصور المستخدمة في التصميم يملك المركز حقوقها، وإن مركز أصول يتبع لكل مسلم طباعة الكتاب ونشره بأي وسيلة، بشرط الالتزام بالإشارة إلى المصدر، وعدم التغيير في النص، وفي حالة الطباعة يوصي المركز بالالتزام بمعاييره في جودة الطباعة.

- +966 504 442 532
- ☎ +966 11 445 4900
- 📠 +966 11 497 0126
- ✉ P.O.BOX 29465 Riyadh 11457
- ✉ osoul@rabwah.com
- 🌐 www.osoulcenter.com

بِسْمِ اللَّهِ الرَّحْمَنِ الرَّحِيمِ  
Bismillaahi Rrahmaani Rrahiim

## BAAFATA

1	Duree	9
2	Sadarkaa Hajji fi umraa	11
3	Ulaagaalee (sharxii) hajji fi umraa	11
4	Iddoo hajji fi umraan irraa hidhatamu	12
5	Hajji fi umraa keessatti waan dhoowwamaa	14
6	Waa hin dhoowwamne	15
7	Gosa ihraamaa	15
8	Hajji bodaan umraa (tamattu'a)	16
9	Akkaataa Umraa	17
10	Akkattaa hajji	23
11	Arkaana hajji	30
12	Dirqama (wajiboota) hajji	31
13	Ziyaaraa masgiida Rasuulaa	32
14	Dhaamsa dhumaan	38
15	Du'aa'ii adda-addaa	40



## DUREE

الحمد لله والصلوة والسلام على رسول الله نبينا محمد وعلى آله وصحبه أجمعين

Bismillaahi Rrahmaani Rrahiim.

Alhamdu liLaah wassalaatu wassalaamu alaa RasuulliLaah ﷺ  
wa alaa aalihii wasahbihii ajmaiin.

Egaa Hajjiin ibaadaa jabduudha. roga Shanaffaa kan islaamaati.  
nama dandeeytii qabeenyaa qaburratti umrii isaa keysatti yoggu  
takka hajji godhuun dirqama jabeyfamaadha. osoo dandayan  
dhiisuun badii guddoodh.

Egaa dalagan hundi beekkumsarratti hundaawuun dirqama. Wanni  
wallaalaan dalagan nibaddi. Bu'aa hinqabdu. egaa kitaaba kana  
barnoota hajjiifii umraa keysaa argattu. Afaan oromootiin isinii  
qopheysine. Dubbisaa irraa baradhaa walbarsiissaa. beekkumsa  
diin Rabbi nuuf haa kennu. Hojii teenyas nurraa haajaalatu.

**Obboleessa keysan-  
shekh Jamaal shekh Muhammad abbaa xaalib**





## SADARKAA HAJJI FII UMRAA

Rabbiin s.w. akkana jedha”

ولله على الناس حج البيت من استطاع إليه سبيلاً فمن كفر فإن الله غني حميد

«Hajjii mana makkattu godhuun dirqama Rabbiin namarraa qabu, nama humna karaa gama isaatti dandayeef. Ammoo namni kafare Rabbiin dureysa faarfamaadha.» Qur'aanul kariim.

Hadiisatti Nabiin keenya ﷺ akkana jedha.

«من حج فلم يرث ولم يفسق رجع كيوم ولدته أمه»، وفي حديث آخر «الحج المبرور ليس له جزاء إلا الجنة».

«Namni hajji godhe osoo hindoggogorin, osoo badii hindalagin xumure, akka waan guyyaa haati isaa isa deesseetti qulqullaayee deebi'a.» hadiisa birootti «hajjiin sirrooftuun galanni isii jannatuma.»



## ULAAGAALEE HAJJI FI UMRAA

Hajjiin ulaagaa {sharxii} mataa isaati qaba. Ulaagaan hajjii akka armaan gadiiti ta'a:

**01.** Namni hajji godhu islaama tahuu qaba.

- 02.** Sammuun isaa fayyaa tahuu qaba. maraataan hajji godhuu hin dandayu.
- 03.** Umriin isaa kan bakka diqamaa gaye (baaliga) tahuu qaba.
- 04.** Bilisa [walaba] tahuu qaba.
- 05.** Sinqii dhaqaaf deebi'ii geessuuf qabaachuu qaba.
- 06.** Akkasumatti imaltuuf karaan nagaya tahuu qaba.
- 07.** Dubartoonni ulaagaa armaan olitti tuqame fii nama aanaa tahuuf (muhrima) qabaachuu qaban



## IDDOO HAJJI FI UMRAAN IRRAA HIDHATAMTU

Iddoo hajji fi umraan irraa hidhatantu kanneen armaan gadii kana:



### 01. Zulhuleyfa (ذو الحليفة)

makkarraa k.m.450. miiqaata yookis iddo warra madiinaatiifi nama naannoo biraa kan karaa saniin dhufaniiti.

### 02. Juhfa (الحجفة)

makkarraa k.m. 183. iddo warra biyya sham masriifi kan biraa kan kraa san darbuuti. ( biyyaa shaam jechuun: suuriyaa, ordon, falasxiin, fii lubnaai).

### 03. Qarnu al-manaazil (قرن المنازل)

makkarraa k.m.75. iddo warra naannoo Riyaadii fii kan biraa kan karaa san deemaniiti.

### 04. Yalamlam (يلملم)

makkarraa k.m. 92. iddo warra yamanii fii kan biraa kan karaa san deemaniiti akka keeniyaa, soomaalee, jabutii fiitiyophiyati.

### 05. Zaatu irqi (ذات عرق)

makkarraa k.m.94. iddo warra iraqi fii kan biraa kan karaa san (dabraniiti).

Namoonni iddo kanaa as jiran bakkuma jiran irraa hajji fi umraa isaanii hidhatu.


fakkeenyaaaf warri makkaa makkaa irraa hidhatan.

Hubachiisa! Namni hajjiifi umraa godhu kan miiqaata kanarra ooosu hin hidhatin dabre uf duuba deebi'ee hidhachuu qaba. Yoo Hinmijjaawiniif bakuma makkatti dhuhattu sanirraa hidhate re'ee takka qalee miskiina makkaatii hiruu qaba.



## HAJJIFI UMRAA KEESSATTI WAAN DHOOWWAMAA

Namni hajji hidhatee eegale tokko hanga fixutti wantoota armaan gadii kanarrraa fagaachuu qaba.



### 01. Walqunnamtii saalaa godhuu. Adabni isaa.

- Namni warra isaa wajiiin saal-qunnamtii godhe gaala qaluu qaba akkasummatti warri isaatiis qaluu qabdi. yoo dirqamuu baatte. yoo dirqamte hin qaltu.
- Hajji isaa itti fufetum xumuruu qaba.
- Towbachuu qaba.
- Waggaal dhufu deebi'ee hajji godhuu qaba.

### 02. Rifeensaafi qeensa isaa cirachuu (muruu).

### 03. Waan urgaawu dibachuu samunaa urgaawunis dhiqachuu.

### 04. Bineensa al'ooluu (ajjeesuu).

### 05. Warra (jaartii) isaatiin wajji. haala fedhii itti kakasuun qaqqabuu, dhungachuufii, taphachuu,

### 06. Qadhimuufii nikaaha hidhuu ufifis tahee nama birootiif.

### 07. Dhiirti mataa hagooggachuu, kofiyaa, imaamata, kkf uffachuu.

### 08. Uffata qaamatti naannawu kofo, marxoo, mudawwara, shaamiza, paantii, kkf uffachuu.

### 09. Dubartiin ammo niqaaba uffachuun, Guwantii harkaa uffachuun dhoowwaadha.



## WAAN DHOWWAA HINQABNE

- Hamartii/qabee/ qubatti kaayyachuu.
- Manzaraa ijatti kaayyachuu.
- Erfoona gurraatti kaayyachuu.
- Saa'ah harkaatti hidhachuu.
- Samunaa hinurgooyneen fayyadamuu.
- Mataafii qaama dhiqachuun.
- Uffata ihraamaa jirjiirachuu.

Kanneen asii olitti dubbataman kun homaa dhoowwaa hinqabdu.

- Mormii,muggutiifii dogoggorri hundi dhoowwaadha. akkuma san muslima dararuun jechootaafii hojiinis dhowwaadha. namni hedduun kun bakka takkatti walitti qabamee walitti gufachuun,walitti bu'uun waan hafa hinqabnee waan taheef.
- Haajii keenya! Hin aarin hin lolin hin dallanin. harkaa fii afaaaniin nama hinmiidhin
- obsi, dhiifama godhi, araarami Rabbiin siif araaramaa.



## GOSA IHRAAMAA (HIDHANNAA)

Gosti ihraama (hidhanna) hajiifi umraa gosa sadihi. Isaanis.

- 01.** Hajji qofa (ifraada). افراد
- 02.** lameen walirratti lakkuu (qiiraana). القيران garuu kuni waa qaluutu isarraa barbaachisa.
- 03.** Umraa fixanii boodaan hajji itti aansuu (tamattu'a) التمتع .kunis waa qaluun barbaachisaadha. Garuu yoodhabe hajji keessatti guyyaa sadih soomana, yogguu gales guyyaa torba soomana walitti guyyaa kudhan guutuu taha.

Gosti irra caalaan sadeen kanaa tamattu'a. kana jechuun dura umraa qofa hidhachuun akkuma makka dhaqanitti hatattamatti umraa godhanii hiikkatanii hajji eeggachuudha. yogguu guyyaan 8ffaa gaye hajji hidhatanii itti fufuudha. Nabiin kenya ﷺ hajji dhaammanna (hajjatal wadaa'i) keysatti sahaboota akka kana hidhatani fii kanneen akkaataa birootti hidhatanis akka kanatti jirjiiran ajaje.





## HOJII UMRAA BOODAAN HAJJI (TAMATTU'A)

Kana jechuun dura umraa godhanii fixanii hiikkatanii booda guyyaa 8ffaa zulhijjaah hajji hidhatanii godhoo jechuudha. Tanaaf dura akkaataa umrraati ibsina.



## AKKAATAA UMRAAN ITTIIN GODHAMU

bakka miqaataa irraa sirna hidhanna umraa goota. Sunis kunoo kana.

- 01.** Qaama dhiqatta.
- 02.** Uffata kee hunda ufirraabaafteeti uffata ihraama (marxoo banaa fii afrii) uffatta.
- 03.** Waan urgaawu godhatta qaama keetitti, garuu uffata ihraamaatti hingodhattu..
- 04.** Yoo yeroo salaata fardii tahe salaata san salaatta. Yookaan sunnaa wudu'aa takkii tahiyyatal masjid Raka'aa lama salaatta.


- 05.** Umraa qalbitti niyyaa gootee hidhatta akkana jettee,  
لبيك عمرة، لبيك اللهم لبيك لشريك لك لبيك إن الحمد والنعمة لك والملك لا  
شريك لك.

«*Labbeyka umratan- labbeyka Allaahumma labbeyka labbeyka laashariikalaka labbeyka innalhamda wanni 'imata laka walmulka laa shariika lak*». jetteeti hidhatta. labbeykaa tana ittuma fufta hanga xawaafa jalqabduuti.

- 06.** yogguu masjidal haraam seentu miila mirgaa dursita. bismiLlaahi wassalaatu wassalaamu alaa rasuulillaahi jetta.
- 07.** eegasii xawaafa goota

kara hajarul aswad achii deemta. harka mirgaatiin hajarul aswad tuqateeti harka san dhungata. Yoo harkaan dadhabde ulee teetiin tuqatta.- yoo tuqatuu dadhabde itti harkaan akeekta harka san hindhungatu. yeroo tana akkana jetta.

بسم الله والله أكبر، اللهم ايمانا بك وتصديقا بكتابك ووفاء بعهلك واتباعا لسنة  
نبيك محمد - صلى الله عليه وسلم - .



Xawaafa.



*"Bismillaahi wallaahu akbar Allaahumma iimaanan bika watasiiqan bikitaabika wawafaa'an bi ahdika wattibaa'an lisunnati nabiyyika muhammadin ﷺ"*

- 08.** Achirraa beytii (kaiba) bitaa ketitti gootee xawaafa jalqabda, yogguu ruknal yamaanii geesse nituqatta garuu hindhungattu,---. Rukniifii hajarul aswad jiddutti akkana jetta.

ربنا آتنا في الدنيا حسنة وفي الآخرة حسنة وقنا عذاب النار اللهم إني أسألك العفو والعافية في الدنيا والآخرة

*"Rabbanaa aatinaa fiddunyaa hasanatan wafil aakhirati hasanatan waqinaaazaabznaar,Allahumma innii as'aluka al'afwa wal aafiyata fidduniyaa wal'aakhirah"*

- 09.** yeroo hajarul aswad irra dhufte hunda allahu akbar jetta, yeroo xawaafaa zikrii, du'aa'ii qaraatii qur'aanaa itti fufi.

- 10.** xawaafa duraa kana kessatti afrii tee bobaa mirgaa jalaan baafatta,

- 11.** marsaa duraa sadan keysatti nifiyyda fiigicha xiqqa.

- 12.** yogguu xawaafa 7n fixxe kara maqaama ibraahiim achi deemta. aayata kana qaraata.

واتخذوا من مقام إبراهيم مصلى.

*Wattakhizuu min maqaami ibrahiima musalla " qaraata.*  
Yoo siif laafe isa duubatti raka'aa 2 salaati,

yoo hin mijjaawin masgiida keessaa bakkuma feetetti



salaatta. Raka'aa duraatti faatihaa booda suuraa kaafiruun kan lammeysaatti suuraa ikhlaas qarai.



*Maqaama Ibraahiim.*

- 13.** san booda kara hajarul aswad as deebitee tuqatta yoo dandeesse.

- 14.** eegasii bisaan zamzam dhugi.



*Bishaan zamzam.*





## 15. san booda saiyyii godhi.

karaa safaa olbahi. yogguu safatti dhihaatte

إِنَّ الصَّفَا وَالْمَرْوَةَ مِنْ شَعَاعِ اللَّهِ

*"Innassafaa walmarwata minsha'a airillaahi..."* qara'i.

deemii safarratti olbahi ka'ibatti fuula deebi'i duaaii Rabbi kadhu. du'aa'ii nabiin kenya ﷺ asitti kadhate keysaa takka tana yoggu 3 irra deddeebi'i. jidduu isiitti du'aaii godhi.

«لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْحَمْدُ وَهُوَ عَلَىٰ كُلِّ شَيْءٍ قَدِيرٌ، لَا إِلَهَ إِلَّا اللَّهُ وَحْدَهُ أَنْجَزَ وَعْدَهُ وَهُنْصَرَ عَبْدَهُ وَهُزْمَ الْأَحْزَابِ وَهُدَهُ»

Laa ilaaha illallaahu wahdahuu, laashariika lahuu, lahul mulku walahul hamdu, wahuwa alaa kulli shey'in qadiir. Laa ilaaha illallaahu wahdahuu, anjaza wa'idahuu, wanasarada abdahuu, wahazamal ahzaaba wahdahuu.



Saiyyii jidduu safaaaf marwah.

## 16. Eegasii gara marwaa gadi buii sa'iyii godhi. Deemi yeroo ifaa magarroo lameen jedduu geesse figi. yogguu marwaa geesse irratti olbahi kaibatti fuula deebi'i harka banii Rabbi kadhu. akkasumatti kara safaa eegasii kara marwaa yoggu 7 godhi. sa'iyii safaaaf marwa jiddutti godhamtu tana keeysatti zikrii Rabbii, qaraatii qur'aanaa, du'aa'ii hedдумmeysi.

## 17. eegasii rifeensa haaddadhu.

yogguu saiyyii marsaa 7n fixxe mataa haadadhu takkii gabaabsi. Mataa haaduutu irra caala. Nabiin ﷺ warren haaddataniif yoggu sadi du'aaii godhe, ammo warra gabaabsaniif yoggu takka godhe. dubarttin waa xiqqoma (hangabirkii quba harkaa) fiixarraa murti. umraan asitti dhuma. uffata kee jirjiiradhuu gara bakkaa qubattee tessoo keetii deemii gali.

Hanga baatiin hajji (zulhijja) guyyaa 8 geysutti akkanumatti turi.



Rifeensa haddachuu fii gabaabsuu





## AKKAATAA HAJII

**zulhijjaah guyyaa 8ffa. (yowmutterwiyyaa).**

18. guyyaa 8ti (guyyaa tarwiyyaa) yeroo waaree bakkuma jirturraa hajjii hidhadhuu. akkuma yeroo umraa hidhattuutti qaama dhiqdhuu, urgeyfadhuu, ihraama uffadhuu.
19. hajjii niyyaa godhi.

لَبِيكَ حَجَا لَبِيكَ لَبِيكَ لَبِيكَ لَا شَرِيكَ لَكَ لَبِيكَ، إِنَّ الْحَمْدَ وَالنِّعْمَةَ لِكَ وَالْمَلْكُ لَا شَرِيكَ لَكَ.

,Labbeyka hajjan-labbeyka Allaahumma labbeyka labbeyka laa shariika laka labbeyka, innalhamda wanni'imata laka walmulka laashariika laka. Jetta.

20. Egasii minatti deemi,



Minaa

Achi qubadhu zuhrii, asrii, magribaa fii ishaaii achitti salaati. Kan raka'aa afur afurii Raka'aa lama lamatti gaggabaabsi garuu walitti hinqabin Hundaa yeroma isiitti salaati. achuma buli, subhis achumatti salaati.

**zulhijjaah guyya 9ffaa (Guyyaa arafaa).**

21. guyyaa 9ffaa yogguu aduun baate achirraa ka'ii gara arafaa deemi. arafaa dhaqi,yoo dandayame namirah qubadhu, yookaanis bakkuma siiflaafte arafarraa qubadhu, zikriifii du'aaii itti fufi akka abbaa lubbuutti.hinlaafin hinhibitin.



Arafah

22. yogguu zuhriin gaye salaata zuhriifii asrii jam'ii duraa godhii gaggabaabsii salaati.akkuma nabiin keenya ﷺ godhetti.
23. egasii du'aaii itti fufi ,qiblatti fuula deebi'ii, harka banii, waywaadhu Rabbitti. yaa du'aa'ii guyyaa sanii haalaan jabduudha. mataa keetiif muslimtoota hundaaf Rabbi kadhadhu.

- 24.** yogguu aduun seente achirraa ka'ii gara muzdalifaa deemi. yeroo muzdalifaa dhaqxee magriibaafii ishaa'ii jam'ii boodaa salaati. Achuma buli.



Muzdalifaa

- 25.** yogguu fajare subhii salaati,gara mash'arul haraam (eddoo masjiidaa) deemi.du'aaiifi zikrii itti fufi hanga haalaan bariee ifuu.

**zulhijjah guyyaa10ffaa(guyyaa nahrii).**

- 26.** osoo aduun hinbaane gara minaa sossohi. waadii muhassar yogguu geyse daddafii demi. ciracha torba kararraa guuradhu.




Ciracha darbanna

- 27.** wayta mina geyse jamratul-aqabaa darbadhu. isiin boolla moggaa gama makkaati. cirracha 7n darbadhu. takka takkaan takbiiraa wajji jechaa darbi.



Boolla darbanna




- 28.** egasii as deebi'ii wareega kee qali,  
yeroo ammaa halli abbaan uffi qaluu waan hinmijanneef gatii beyladaa tokkoon bitan baankii islaamatti galii godhuu qofaatu gaya. Bara hijra 1433 yeroo nuti hajji goone gatiin qaliinsa 1 riyaala sawdii 430 ture. garuu oliifii gadi siiquunis nimala. namni

waaqaluu dadhabe guyyaa kudhan soomana. 3 hajji keysatti 7ammo eega galeeyi. atis yoo waaqaluun siif hinmijjaawin akkumumatti soomanta.

## 29. eegasii rifeensa haaddadhu.


mataa haadadhu takkii gabaabsi. Mataa haaduutu irra caala. Nabiin ﷺ warren haaddataniif yoggu sadi du'aaii godhe, ammo warra gabaabsaniif yoggu takka godhe. dubartiin waa xiqqoma (hangaa birkii quba harkaa) fiixarrraa murti.

## 30. uffata kee ka ihraamaa ufirraa jijiiri. kara makkaa deemii dhaqi xawaafa ifaadaa godhi.



**31. saiyyi safaaaf marwaatis itti aansii godhi. akkuma umraa keysatti ibsametti.**

## Lakkofsa 7-16 lallachuun nidandayama.



**32. Achumaan uf duuba kara minaa asdeebi'i demii dhaqii mina buli.**

## zulhijjah guyyaa 11ffaa.

-guyyaa 11ffaa minatti orraafadhuu yogguu zuhrii booda deemii jamaraata dhaqii boolla sadeenuu darbadhu.ciracha torba torbaan waliigalli digdamii tokko.bolla dura tan gama masgiida kхиif as aanturaa jalqabi darbi du'a'i'ii godhu. tajiddutis akkasumatti darbi du'a'i'ii godhi. tamoggaa (aqabaatis) darbi du'a'i'ii dhiisii deemi.

## zulhijjaah guyyaa 12



- 34.** Guyyaa 12ffaatis Akkasumatti darbi, yoojarjarte deemi, yookaan minumatti deebi'ii buli.

### **zulhijjah guyyaa 13**

- 35.** Guyyaa 13ffaatis darbi. ammaa xumurtee minarraa ka'i bakka tessoo ketiitti makkaatti gali. Hojiin hajji asitti xumuramti. Xawaafa dhaammanna qofaatu hafe malee. San guyyaa kara biyyaa deebitu gootee achumaan deemta.

- 36.** xawaafa dhaammanna (xawaafu wadaai) godhi.



## **UTUBAALEE (ROGA) HAJJI**

hajjiin utubaa afur qabdi. namni kana keessa tokko dhiise hajjiin isaa ni bada. waggaan biraan deebi'ee hajjiin godhuu qaba jechuudha. utubaan hajjiitiis kanneeni:

- al-ihraamu: jechuun hajjiin godhuu niyyachuu. (hidhachuu).
- guyyaa 9 ffaa arafa keessa dhaabbachuu.
- guyyaa 10 ffaa xawaaful ifaadaa godhuu.
- safaa fii marawaa jidduu sa'iyii godhuu.



## **DIRQAMOOTA HAJJI**

hajjiin dirqamoota yokaan waajiboota 7 qabdi namni waajiba hajjiidhaa kana tokko hin dalagin hoolaa tokko qaluu qaba. waajibni hajjiin kunoo kana:

- 01.** miiqaata irraa hajjiin hidhachuu [iddoo hajjiin irra hidhatantu]
- 02.** guyyaa 9 ffaa Arafaa dhaabachuu hamma aduun dhiitutti [lixxutti].
- 03.** halkan 10 ffaa muzdalifaa buluu, halkan iidaa jechuudha.
- 04.** Guyyaa 10 ffaa dhagaa darbachuu. guyyaa kana boolla sadeen irraa tanuma gama makkaa aantu (jamratl aqabah) qofa darbata. garuu guyyaa 11 ffaa fi guyyaa 12 ffaa boolla sadeenuu nidarbata. namnii guyaa 13 ffaa jerjere hindeemne, bolla sadeenuu nidarbata
- 05.** Halkan 11ffaa, halkan 12 ffaa fi halkan 13 ffaa, minaa buluu; namni jerjere halkan 11 ffaa fi halkan 12 ffaa bulee halkan 13 ffaa deemuu nidanda'a. garuu odoo aduun hinseene. minaa irraa ba'u qaba.





**06.** Refeensa mataa haaddachuu ykn gabaabsuu.

**07.** Xawaafa dhaammanna godhuu.

Hajjiin xumuramte, wanni hafee ziyaaraa masgiida Rasuulaati.



## ZIYAARAA MASGIIDA RASUULAA ﷺ KAN MADIINAA



*Masgiida Rasuulaa ﷺ*

obbolooowan muslimootaa kan hajji dhuftan, eega waa'ee hajji xumurtanii booda, yoo isinii mijjowte, madiinaa deemuudhaan, maskiida Rasuula keenyaa [nagayaa fii rahmanni rabbi isa irratti haa bu'u] ziyaaraa godhuu ni dandeesan. garuu wanni beekuu qabdan, masgiida Rasuulaa kan madiinaa ziyaaraa godhuun, waa'ee hajjiitii wajjin akka hariiroo hinqabne jechuun; namni tokko yaroo waa'ee hajji xumure hajjiin isaa guutamteef





jechuudha biyya isaatti galuu danda,a. Namni geriitiis madiinaa dhaquun maskiida rasuulaa [nagayaa fii rahmanni Rabbii isarratti haa bu,u] ziyyzraa godhuun dirqam hajjiiti akka ta'e itti fakkaata. Akkana yaaduun sirrii miti.

Kanaafuu, madiinaa deemuun maskiida rasuulaatti sagaduu qofaaf akka ta'e hubachuun barbaachisaadha. Kanaafuu namni madiinaa deemuuf hiree arkatan, heera armaan gadii kana eggachuuifi hubachuu qaban:

**01.** Masgiida Rasuula ﷺ keenyaa kan madiinaa itti sagaduuf imeltuu deemuun, heera Amantii islaamaa keesatti hin dhoorkamu. Garuu waa'ee hajjiitii wajjin hariiroo hin qabu. Kuniis yaroo hajji qofaa mitii, yaroo hunda ziyaaraa godhuun nidanda'ama. jechi Rasuula keenyaa kuniis ragaadha:

”صلوة في مسجدي هذا خير من ألف صلاة فيما سواه إلا المسجد الحرام“ متفق عليه.

hiikkaan isaa; “salaanni maskiida kiyya kannatti sagadamu, salaata iddo biratti sagadamu, harka kuma tokko chaala, maskiida al haraam makkaa male.” Jedhaniiru. Ammo salaanni masgiida makkaa salaata bakka biraa harka kuma dhibba tokkoon akka caaltu hadiisaan mirkanaayee jira.

**02.** Masjida rasuulaatitti ﷺ sagaduudhaaf imaltuu deemuun, dalagaa hajjiiti wajjiinhariiroo hinqabu. Namni dalagaa hajji raawate, kan maskiida Rasuulaa ziyaaraa godhuuf hiree dhabuudhaan yo biyya isaatti gale, hajjiin isaa guutuudha sirriidha jechaadha.



**03.** yaroo maskiida rasuulaa seenu miila mirgaa dursuudhaan, jecha kana jechaati seena:

(بِسْمِ اللَّهِ الرَّحْمَنِ الرَّحِيمِ عَلَى رَسُولِ اللَّهِ الرَّحْمَنِ الرَّحِيمِ افْتَحْ لِي أَبْوَابَ رَحْمَتِكَ)

**04.** Yaroo maskiida seenu, raka'aa lama seennaa maskiidaatiif sagada. Yoo dandaye rawdatti salaatuutu irra caala. Garuu yoo tuuchinsa namaatiif dadhabe masgiida keessaa bakkuma taatetti salaata.

**05.** Eega Raka'aa lama sagadee booda, gara qabrii rasuulaa deemuudhaan.

(السلام عليك يا رسول الله ورحمة الله وبركاته)

jedhe, irratti salaammata. Itti aansee, qabrii Saahibban Rasuulaa lameen (Abuu bakarii fii umar

(السلام عليك يا أبي بكر السلام عليك يا عمر)

jechuudhaan irratti salaammata.



Qabrii nabii ﷺ





**06.** Gara qabrii baqii deemee ziyaaree du'aa'iil godhaaf.



*Qabroota madiinaa (baqii'i)*

**07.** Eegasii gara qabrii shahiidota warra uhud deemee ziyyree du'aa'iil godhaaf.



*Qabroota Shuhadaa' uhud*



uhud jechuun bakka lolli muslimtootaafii mushriktoota jiddutti tahe, itti gaggeefameedha.

Shahiidee jechuun sahaaboota Rasuula keeyaa kan iddoor sanitti wareegaman jechuudha.

**08.** Masjida qubaa deemee raka'a lama itti sagada.



*Masgiida qubaa.*

Haaluma kanaan ziyaaraan isaa dhumti Kanaafuu, gara biyyaa isaa deemuu ni danda'a.

Hubachiisa.

garuu wanni beekamuu qabu, namni hajji dhufu tokko yarood waa'ee hajji gaggeessaa jiruu shirkii (Rabbitti waa qineessuu) irraa uf eegu barbaachisa. Fakkeenyaaaf Rasuula yaammachuuun (yaa Rasuula keenyaa nu garagaari jechuun) dhoowwaadh.

akkusumatti gidaara masjida makkaa fii masjida madiinaa





dhunguchuu. Kun hundi dhowwaadhaa irraa of eeguun dirqama nama hundaati.

Yaroo hajji qofa osoo hinta'in, yaroma hundaa'uu irraa of tiksuum barbaachisaadha.

Rabbiin olta'e, dalagaa qulqulluu kan isumaa jechaa dalagame qofa, qeebala. Hujii shirkiiin keesatti mullatu Rabbiin hinqeebalu. Nami hajji godhuuf qabeenya guddaa baasee biyya fagoodhaa dhufe, waan hajji isaa irraa belleessaa shirkiiis ta,eek an biroo firraa eeguun dirqama. Dalagaan ilmi namaa tokko dalagu, kan akka hajji fii salaataa, soommana fii kkf, Rabbi biratti qeebalamuudhaaf [fudhatamuudhaaf] ulaagaan isii, qulqullummaadhaan gaggeefamudha. Dalagaan takka qulqullummaadhaan hindalgamne taanaan, Rabbi olta'e biratti fudhatama hinqabdu jechuudha. Rabbiin olta'e quraana

keesatti akkana je'e:

(فمن كان يرجوا لقاء ربه فليعمل عملاً صالحًا ولا يشرك بعبادة رب أحداً)

hikkaan isaa: namni qunnamtii, rabbi kajeelu, dalagaa gaarii haa dalaguu; ibaadaa Rabbii isaa keessattiis akka waa takka Rabbii wajjin hinqindeessine. Kanaafuu qulqullummaa hujii keessanii akka hubatan.



## Dhaamsa Dhumaa

-Yaa haajji keenya kabajamaa! kunoo gaa gargaarsa Rabbiitiin hajji goote,waan guddaa dalayde, yoorabbi jedhe araarama isaa argatte, milkooyte. tanaaf wilii jallinatti hindeebi'in. asii galtee badii addaa tan akka shirkii,salaata dhiisuu, zinaa godhuu, farshoo dhuguu, haqa namaa hatuu, saamuu,dubartiin hijaabaa uffachuu dhiisuu,...badiilee kkf hundarraa fagaadhu.yoo duran nama hamaa nama arrabsu,kan harkaan namatti jarjaru,kan boonu taates amma booda irraanfadhu, ittin deebi'in. yogguu badii takkatti dhihaatte qaxab jedhii ufqabii yaadadhu-hajji dhaqee galeemoo? qaanyiidha! abadan! hintahu jedhii jalaa didii sheyxanaa qaanyeysi. astagfirullah jedhii irraa deb'i.

Yaa haajji keenya jaalatamaa! Ati amma yogguu asirraa galte nama haarawa biroo tahii gali. sii dur taatee hingalin,jirjiirami,amma haarawa dhalatte waan taheef.ibaadaa Rabbii s.w. hanga dur duran jabeysi. salaata, jum'aafii jamaa'ah, masgiida, qaraatii qur'aanaa,zikrii Rabbii,du'aaii,sadaqaa,diin gargaaruu,fii toltau fii kheyrii waan tahe hunda akkaan itti jabaadhu.warraa ilmaan kee diiniratti ajaji,haadhaaf abbaa kee, ollaa kee, obboleeyyan muslimaa hunda dinitti ajaji,gorsi, yaadachiis,Walumaa galatti ajaja Rabbiitiif ergamaa isaa nabi Muhammad ﷺ dhagayi,diin kee jabeysii,irratti jiraadhuu irratti du'i.

Asirratti xumurame galanni Rabbiif haa galuu.





Dhumarratti Warra diin isaa baratee walbarsiisee siritti itti dalagee jaalala Rabbi argate nuuffi isinis Rabbi nuhaa godhu. ibaadaalee hunda Rabbi nurraa haaqeebalu.



## DU'AAII ADDA-ADDAA



### DU'AAII YEROO IMALTUU DEEMANII

اللهم إنا نسألك في سفرنا هذا البر والتقوى ومن العمل ماترضي. اللهم هون علينا سفرنا هذا واطو عننا بعده، اللهم أنت الصاحب في السفر، والخليفة في الأهل، اللهم إنا نعوذ بك من وعثاء السفر وكابة المنظر وسوء المنقلب في المال والأهل والولد. رواه مسلم

«Allaahumma innaa nas'aluka fii safarinaa haazaa albirra wattaqwaa, waminal amali maatardaa, Allaahumma hawwin aleynaa safaranaa haazaa, waxwi annaa buidahuu. Allaahumma anta ssaahibu fissafar walkhalifatu fil ahli Allaahumma innaa na'uuzu bika min wa'isaa'I ssafar, waka'aabatil manzar, wasuu'il munqalabi filmaali wal ahli wal walad.» Muslimtu galmeesse.

-Hiikkaan isaa akkana: yaa Rabbi imaltuu keenya kana keessati tola ooluu fii sodaa tee sikadhanna, dalagaadhaas tanuma ati jaalattu (sikadhanna) yaa Rabbi imaltuu keenya kana nuuf laaffisi, fageenya siitiis maruudhaan nuuf gabaabsi, yaa Rabbi ka imala keessatti nuu wajjiin jiruus suma, kan genddatti nuuf hafuus suma, yaa Rabbi cinqii imaltuu irraa sitti maganfanna, argaan nu fokkotuu irraa sitti maganfanna, qabeenya, warraa fii joollee keessatti deebi'iin nu hammaachuu irraa sitti maganfanna.

ربنا آتنا في الدنيا حسنة وفي الآخرة حسنة وقنا عذاب النار.

Rabbanaa aatinaa fiddunyaa hasanatan wa fil aakhirati hasanatan waqinaa azaabannaar.





Yaa Rabbi addunyaarratti waan gaarii nuuf kenni, aakhirrattiis  
waan gaarii nuuf kenni,  
Azaaba ibiddarraayiis nu tiiysi.

### DU'AAII YEROO HIRRIIBAA

باسمك ربى وضعت جنبي وبك أرفعه فإن أمسكت نفسى فارحمنها وإن أرسلتها فاحفظها بما  
تحفظ به عبادك الصالحين» رواه البخاري ومسلم

Bi ismika Rabbii wadaitu janbii, wabika arfa'uhuu. Fa in amsakta  
nafsi farhamhaa wain arsaltaahaa fahfazhaa bimaa tafazzu bihi  
ibaadaka ssaalihiin.bukhaarii fii muslimtu odesesse.

Hiikkaan:- yaa Rabbi maquma keetiiniin cinaacha kiyya lafa  
kaaya (rafuudhaaf)

ammaas maquma

keetiiniin olkaasa, lubbuu tiyya yo qabde, [du,aan ] rahmata  
godhiif, yo gadhiifte

waan gabroowwan kee gaggaariidhaan tiiksuun tiaksi.

### EEBBA GANAMAA FII GALGALA

اللهم بك أصبحنا وبك أمسينا وبك نحيا وبك نموت واليك النشور. (رواية الترمذى)

Allaahumma bika asbahnaa wabika amseynaa wa bika nahyaa  
wabika namuutu waileyknnushuur. Tirmiziyyitu odesesse.

yaa Rabbi sumaani bariisifanne, sumaani dhiisifanne, sumaani  
jiraanna, sumaani duuna,

deebiin kaafamaatiis gamuma keeti.

اللهم بك أمسينا وبك أصبحنا وبك نحيا وبك نموت واليك المصير. (رواية الترمذى)



Allaahumma bika amseynaa wabika asbahnaa wa bika nahyaa  
wabika namuutu waileykal masiir.

yaa Rabbi sumaani dhiisifanne, sumaani bariisifanne, sumaani  
jiraanna, sumaani duuna,  
deebiin booddeetiis gama keeti.

### EEBBA YEROO HIRRIIBAA KA'ANII

الحمد لله الذي أحيانا بعدما أماتنا واليه النشور (رواية البخاري)

Alhamdu lillaahi llazii ahyaanaa ba'ida maa amaatanaa wa  
ileyhi nnushuur. **Bukhaariyyitu galmeesse.**

Rabbiin Du'aa'i teenya nurraa haa qeebalu, warra  
qulqullummaan Rabbi kadhatu, nuhaa godhu.

**Nuufi** muslimtoota hundarraayis Rabbiin haa qeebaluu.  
Alhamdu lillaahi Rabbil aalamiin.

Yoo yadaa fi gaafi qabaattan

Mobile watsap - 00966 505697461 yookaan email shekhjemal@  
yahoo.com

irratti yaada keessan nuuf kennaa. Galatoomaa wassalaamu  
aleykum warahmatullaahi wabarakaatuhuu.

والحمد لله رب العالمين

وصلى الله وسلم على نبينا محمد وآلته وصحبه أجمعين.

wasallallaahu alaa nabiyyinaa muhammadin wa aalihii  
wasahbihii wasallam.



# IslamHouse.com

 IslamHouseOr

 IslamHouseOR/

 islamhouse.com/or/

 IslamHouseOr/

For more details visit  
[www.GuideToIslam.com](http://www.GuideToIslam.com)



contact us :[Books@guidetoislam.com](mailto:Books@guidetoislam.com)

 Guidetislam.org    Guidetoislam1    Guidetislam    www.Guidetislam.com



**المكتب التعاوني للدعوة وتوعية الجاليات بالربوة**

هاتف: +966 11 4454900 - فاكس: +966 11 4970126 - ص.ب ٢٩٤٦٥ - الرياض ١١٤٥٧

**ISLAMIC PROPAGATION OFFICE IN RABWAH**

P.O.BOX 29465 RIYADH 11457 TEL: +966 11 4454900 FAX: +966 11 4970126